



**Starfsleyfisskilyrði fyrir Reykjanesbæ til reksturs móttökustöðvar
jarðefnaúrgangs(/millilager), n.t.t. garðaúrgang til tímabundinnar geymslu
eða meðhöndlunar á Berghólabraut 2, 230 Reykjanesbæ.**

1. Gildissvið

- 1.1 Starfsleyfisskilyrðin gilda fyrir Reykjanesbæ, kt. 470714-2169, hér eftir nefnt rekstraraðili. Starfsleyfisskilyrðin taka mið af ákvæðum í lögum nr. 7/1998 um hollustuhætti og mengunarvarnir og reglugerð nr. 550/2018 um losun frá atvinnurekstri og mengunarvarnaeftirlit. Til viðbótar við starfsleyfisskilyrði þessi ber rekstraraðila að fylgja ákvæðum almennra starfsleyfisskilyrða fyrir mengandi starfsemi.
- 1.2 Starfsleyfisskilyrðin gilda fyrir móttöku á garðaúrgangi, þ.e. gras, hey, trjáboli og trjágreinar eða sambærilegu til tímabundinnar geymslu (millilager) og/eða til frekari endurvinnslu. Garðaúrgangurinn skal vera án annarra aðskotahluta. Að lokinni geymslu skal úrgangur færður til endurnýtingar, til frekari hreinsunar, undirbúnings til endurnýtingar, urðunar, förgunar eða annarrar viðeigandi meðhöndlunar.

2. Móttaka úrgangs, athafnasvæði og umgengi

- 2.1 Einungis er heimilt að taka á móti garðaúrgangi til flokkunar sbr. ákvæði 1.2, geymslu eða meðhöndlunar áður en hann er endurnýttur eða færður áfram í aðra úrgangsstrauma.
- 2.2 Óheimilt er að taka á móti jarðvegi nema sérstakri aðstöðu hafi verið komið fyrir á svæðinu. Hafa skal samráð við Heilbrigðiseftirlit Suðurnesja komi til þess.
- 2.3 Rekstraraðili skal setja verklagsreglur um móttöku úrgangs.
- 2.4 Rekstraraðili skal setja upp merkingar eða skilti sem segja til um hverskonar úrgang má losa á athafnasvæðinu. Merkingar skulu vera í samræmi við ákvæði reglugerðar um meðhöndlun úrgangs og samræmdar norrænar flokkunarmerkingar.
- 2.5 Rekstraraðili skal gera ráðstafanir til þess að garðaúrgangurinn berist ekki út fyrir millilagerinn, t.a.m. vegna foks. Rekstraraðili ber að gera allt sem í hans valdi stendur til að koma í veg fyrir að vatn, grunnvatn, loft, jarðvegur eða umhverfi mengist. Rekstraraðili skal halda ytra umhverfi snyrtilegu, gæta hreinlætis í hvívetna og sjá til þess að ekki verði uppsöfnun eða geymsla á vélum, tækjum eða öðrum hlutum óviðkomandi starfseminni á athafnasvæðinu.
- 2.6 Rekstraraðili skal setja upp viðeigandi sörpílát fyrir annan úrgang t.a.m. plastpoka eða önnur ílát sem almenningur kann að koma með garðaúrgang í og þarf að losa sig við. Sörpílatin skulu merkt í samræmi við ákvæði 2.4.

3. Innra eftirlit, skráningar og tilkynningar

- 3.1 Rekstraraðili skal hafa innra eftirlit með umhverfis- og rekstrarþáttum sem geta valdið mengun eða losun efna út í umhverfið. Skrá skal eftirfarandi og skulu skráningar ávallt vera aðgengilegar Heilbrigðiseftirliti Suðurnesja:
- Mengunaróhöpp og viðbrögð við þeim.
 - Kvartanir sem rekstraraðila berast vegna starfseminnar og viðbrögð rekstraraðila við þeim.
 - Upplýsingar um magn og áfangastað jarðfna sem færð eru frá millilagernum til endurnýtingar eða annarra úrgangsstrauma.
- 3.2 Viðbragðsáætlun gagnvart mengunaróhöppum skal berast Heilbrigðiseftirliti Suðurnesja til umsagnar og/eða samþykktar eigi síðar en 1. september 2025.
- 3.3 Tilkynna skal Heilbrigðiseftirliti Suðurnesja ef verulegar breytingar eru áformaðar á starfseminni, nýr rekstraraðili kemur að starfseminni eða mengunaróhapp verður á athafnasvæðinu. Hafa skal fullt samráð við Heilbrigðiseftirlit Suðurnesja vegna ákvarðana um athuganir eða rannsóknir á athafnasvæði, mat á mengun, hreinsunarþörf, hreinsiaðgerðir eða ráðstafana vegna tímabundinnar eða varanlegrar stöðvunar á starfsemi.
- 3.4 Rekstraraðili greiðir eftirlitsgjöld til Heilbrigðiseftirlits Suðurnesja fyrir reglubundið eftirlit sem og allan annan tilfallandi kostnað fyrir aðkomu heilbrigðiseftirlitsins vegna starfseminnar í samræmi við gildandi gjaldskrá embættisins hverju sinni.

4. Lög og reglugerðir

- 4.1 Ákvæði um eftirlit, upplýsingagjöf, skráningar, ábyrgðir og þvingunarúrræði er að finna í eftirfarandi lögum og reglugerðum sem eiga helst við um starfsemina. Önnur lög eða reglugerðir kunna einnig að eiga við.
- Lög nr. 7/1998 um hollustuhætti og mengunarvarnir.
 - Reglugerð nr. 550/2018 um losun frá atvinnurekstri og mengunarvarnaeftirlit.
 - Lög nr. 55/2012 um umhverfisábyrgð.
 - Reglugerð nr. 724/2008 um hávaða.
 - Reglugerð nr. 803/2023 um meðhöndlun úrgangs.
 - Lög nr. 55/2003 um meðhöndlun úrgangs.
 - Reglugerð nr. 738/2003 um urðun úrgangs
 - Reglugerð nr. 1400/2020 um mengaðan jarðveg.
 - Reglugerð nr. 798/1999 um fráveitur og skólp.
 - Reglugerð nr. 796/1999 um varnir gegn mengun vatns.
 - Reglugerð nr. 797/1999 um varnir gegn mengun grunnvatns.

24. júlí 2025